

WEB

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND
HERZEGOVINA
TUZLA CANTON
ČELIĆ MUNICIPALITY
MUNICIPAL MAYOR

Tel: 035/668 650 A. Izetbegovića 60-2. 75246 Čelić E-mail: info@opcinacelic.ba

Broj: 02-45-1752/24

Čelić, 03.07.2024. godine

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22)(u daljem tekstu: Zakon) i člana 39. Statuta Općine Čelić („Službeni glasnik Općine Čelić“ broj: 3/17), na preporuku komisije za nabavku broj: 06-45-1752/24 od 03.07.2024.godine, u postupku javne nabavke robe „Nabavka rovokopača točkaša sa priključcima“, Općinski načelnik donosi:

O D L U K U

o izboru najpovoljnijeg ponuđača

Član 1.

Prihvata se preporuka komisije za javnu nabavku broj: 06-45-1752/24 od 03.07.2024.godine i ugovor o nabavci i isporuci robe „Nabavka rovokopača točkaša sa priključcima“, dodjeljuje se ponuđaču „TERRA BIH“ d.o.o. Sarajevo - Hadžići, ponuda broj: 007/24 od 01.07.2024.godine, zaprimljena na protokol ugovornog organa dana 03.07.2024.godine, sa cijenom u iznosu od 113.000,00 KM bez PDV-a.

Član 2.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke dostavi originale ili ovjerene kopije dokumentacije navedene u tenderskoj dokumentaciji broj: 02-45-1752/24 od 12.06.2024.godine.

Član 3.

Prijedlog ugovora o nabavci dostavit će se na potpis izabranom ponuđaču.

Član 4.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona, istovremeno sa upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke pokrenut je odlukom o pokretanju postupka javne nabavke broj: 02-45-1752/24 od 12.06.2024.godine. Javna nabavka robe „Nabavka rovokopača točkaša sa priključcima“ provedena je putem otvorenog postupka. Procijenjena vrijednost javne nabavke iznosila je 120.000,00 KM bez PDV-a. Obavještenje o nabavci broj: 306-1-1-73-3-30/24 objavljeno je na portalu javnih nabavki dana 12.06.2024.godine.

Komisija za javne nabavke imenovana rješenjem o imenovanju komisije za nabavku broj: 02-45-203/24 od 22.01.2024.godine, nakon provedenog postupka otvaranja ponuda u skladu sa članom 63. Zakona, dostavila je ugovornom organu – općinskom načelniku zapisnik o

pregledu i ocjeni ponuda broj: 06-45-1752/24 od 03.07.2024.godine, preporuku o izboru najpovoljnijeg ponuđača broj: 06-45-1752/24 od 03.07.2024.godine i izvještaj o radu komisije broj: 06-45-1752/24 od 03.07.2024.godine.

U postupku po izvještaju o radu utvrđeno je da je Komisija blagovremeno izvršila otvaranje, pregled i ocjenu pristigle ponude, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku javne nabavke pristigla jedna ponuda,
- da je blagovremeno primljena jedna ponuda,
- da nije bilo neblagovremeno primljenih ponuda,
- da ponuda ponuđača „TERRA BIH“ d.o.o. Sarajevo - Hadžići ispunjava kvalifikacione uslove predviđene tenderskom dokumentacijom, te je ocijenjena kao prihvatljiva.

Pregledom i ocjenom ponude nije uočena računaska greška kod ponuđača.

Tenderskom dokumentacijom za predmetnu nabavku predviđeno je provođenje e-aukcije. Članom 4. stav (2) Pravilnika o uslovima i načinu korištenja e-aukcije (Službeni glasnik BiH, broj 80/23) predviđeno je da u slučaju prijema jedne prihvatljive ponude e-aukcija se neće zakazivati, s tim u vezi postupak će se okončati u skladu sa članom 69. Zakona.

Komisija je nakon ocjene ponude dala preporuku ugovornom organu da ugovor o nabavci i isporuci robe zaključi sa ponuđačem „TERRA BIH“ d.o.o. Sarajevo - Hadžići sa cijenom u iznosu od 113.000,00 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponude, u skladu sa kriterijumima iz tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stav (1). tačka b) Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

Uputstvo o pravnom lijeku

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi putem ugovornog organa. Ponuđač je dužan dostaviti žalbu ugovornom organu najmanje u tri primjerka.

OPĆINSKI NAČELNIK

Admir Hrustanović, dipl. oec



Dostavljeno:

1. Ponuđaču
2. Komisiji za nabavke
3. Službi civilne zaštite i inspekcijskih poslova
4. Za općinsku web stranicu
5. Evidenciji
6. Arhivi